



Synfocity = 440

30th May, 2013

mail us at : mzsynfo@gmail.com; mizoramsynod@gmail.com - Phone - 2314648

□ Synod Bookroom Conference 2013

May 24 kha Synod Bookroom chuan kum tina an tih thin angin Zosaphluia Building, Mission Vengah Synod Bookroom Conference 2013 an hmang a, Mizoram puma Synod Bookroom zawng zawngte khar a ni.

Conference hi zing dar 9:30-ah Upa R. Lalmalsawma, General Manager, PRESCOM-in hawngin inlawmna thu a sawi a, kum 2012 Bookroom Conference-a thurelte bawhzui a nih dan a sawi bawk.

Chawhma lamah Pu Lalniliana, Manager Synod Bookroom-in programme a kaihuai a, Pi Rosy Lalhmingmawii, Accountant-in Bookroom sum dinhmun report a pe a. Report atanga a lan danin kum kal ta kha Synod Bookroom hian nasa takin hma a sawn a. Kum hmasa lama Budget Rs. 5,20,00,000/- chu tha taka khumin Rs. 7,16,22,262/- zet thawhchhuah a ni. Budget khumna hi Rs. 1,96,22,262/- zet a ni. Kum kalta chung kha Net Profit Rs. 33,69,280/- lai Synod Bookroom hian a nei bawk. Pathian awmpuina leh Kohhran mipuite thahnemngaihna azara hetiang dinhmun a thleng thei hi Synod Bookroom chuan lawmthu a sawi a ni.

Chawhnu lamah Upa R. Lalmalsawma, General Manager-in programme kaihuaiin Mizoram puma Branch hrang hrangte atangin report leh rawnate ngaihthlak a ni a, kum kaltaa Bookroom rawngbawina hrang hrang thlirletna leh sawizauna neih a ni bawk. Financial Year thara Synod Bookroom budget Rs.6,10,00,000/-chu pharh a ni bawk.

Budget pharh zawh hian Tual Upa Lalzarmawia, Sales Promoter-in Monthly Operation Review khaihawmna a nei a. Operation review-a a lan danin Financial Year 2010 - 2011 atang kha Synod Bookroom chu intodelh taka a kal chhonzawm tak thu te, nikum chungga Distributor thar pahnih, Hnahlan leh Thenzawlah te hawn thar a nih thu tarlan a ni bawk.

Hemi hnu hian kum kaltaa Synod Bookroom Branch tha thlanna result puan leh lawmman sem a ni a. Tehna ki hrang hrang pali-a inteh a nih hnuah hetiang hi kum 2012 chungga Synod Bookroom result chu a ni :-

Pakhatna : Chanmari Branch, Aizawl

Pahnihna : Bazar Branch, Aizawl

Pathumna : Bara Bazar Branch, Aizawl

Tun dinhmunah Synod Bookroom hian Branch 12 nei mekin Distribution Centre 18 a enkawl mek a. A dintirh kum 1911 atanga vawin thleng hian Mizorama Kohhran chawmtuu lian ber leh tangkai ber a la ni reng a ni.

□ Lay Day 2013

Mizoram Presbyterian Church Synod hnuaiia ordained Minister ni lo zawng zawng, thawk mek leh pensioner-te inthlunzawmna Synod Lay Workers Fellowship (SLWF) chuan May 31 (Zirtawpni) hian nilengin Synod Hospital, Durtlangah Lay Day vawi 39-na an hmang dawn a, thupui 'Inpekna' (I Kor. 10:31) tih hmangin Rev. Vanlalbela, Bawngkawn-in thuchah a sawi ang. Programme kimchang phek lehlamah tarlan a ni.

□ Synod Mission Board

- ♦ May 25 - 27 kha Thenzawl Field Veng Kohhranah Ramthar Campaign neih a ni a, hemi neihpui hian Rev. P.C. Pachhunga, Executive Secretary; Upa Lalrinmuana, SMB Coordinator leh Upa Doremthanga, Board Executive Committee Member-te an kal.

- ♦ May 26 (Pathianni) kha Patna Mission Field, Mandiri Fellowship-ah mi 8 in Bialtu Pastor, Rev. Lalhminghluah kutah Baptisma an chang.

- ♦ May 28 & 29 kha Khagaria Biak In-ah Patna Mission Field Workers' Retreat neih a ni a, field chung thawktute an kal tha hle. Retreat ah hian Thlarau lam nun intuai tharna bakah thupui thlan bik chi hrang hrang zirho niin sawihona neih zui thin a ni.

- ♦ May 25 (Inrinni) kha Silchar Mission Compound-ah Seekers' rally neih a ni a. ringlo 13 lo kalte chu chawhlu kil puiin Biak In-ah tha taka discussion neihpui an ni a. Mi 7 chuan baptisma chan nghal an duh a, hun remchang hmasa berah baptisma hi chantir an ni ang.

□ Kristian Thalai Pawl

- ♦ May 31 - June 2 chung hian Vaphai-ah Bial KTP Meet hmanpuiin Tv. V.L. Muanchhana (Asst. Secy) leh Pu Lalhnginglova Hauzel (Com member) te an kal ang.

- ♦ CKTP Committee chuan Synod Rescue Home-a hman turin General Conference Hla Bu 2012 copies 50 a pe.

- ♦ Administrative Secretary, Manipur Area-in a rawn dilsak angin CKTP Committee chuan Kristian Khanglai Pawl (KKP), Manipur Area te hman turin KTP Handbook chu Vaiphei tawnga lehlin leh siamrem a remti.

- ♦ June 2 (Pathianni) hian Moderator Rev. Lalramliana Pachuau chuan Durtlang Bial a tlawh dawn a, chawhnu leh zan hunah Synod Choir-in an tawiawm ang.

□ MSSU

June 1 (Inrinni) hian Maubawk West Kohhranah Sunday School Zirtirtu Training nieh a ni dawn a, hemi neihpui tur hian Pu John Lalhruaitluanga, MSSU Asst. Coordinator; Upa B. Lalhmunliana, Bethlehem Venglai leh Pu Ramthansanga Khiangte, Republic Veng (MSSU Trainers) te an kal ang.

□ Music

- ♦ Synod School of Music hnuaiia June - August, 2013 chungga Tonic Solfa & Staff Notation zir tur mi 95 lak thar an ni a, June 3 & 4-ah Admission tifelin June 5 zing dar 6:30-ah class neih tan tur a ni ang.

- ♦ Nagaland Conservatory of Music-ah B.Mus zir duh tan mahni intumin zir theih a ni a. Hrechiang duh tan Synod Music Department-ah zawh chian theih a ni.

□ Synod Social Front

Synod Social Front Committee chuan kumin kum tawp lama MLA General Election lo awm tur puala hmalakna thupui atan 'Mipui Mawhphurhna' tih a thlang a. Thupui thlan hmang hian July 11, 2013 (Ningani) ah Synod Conference Centre, Pi Zaii Hall-ah Political Seminar a buatsaih dawn a, Presbytery Moderator leh Secretary theuh tel tura sawm an ni.

□ Hruaina Eng FM Radio & TV Programme

- ♦ **MAY 31 (FM Zoawi Aizawl @ 7:30 p.m.) :**

Solo : Saizikpui Sailo - Hringnun Lamtluang, **Choir :** Vaivakawn Pastor Bial Zaipawl - Chung Pathian, **Thuchah :** Imanuel Lalhriatzuala - Globalization, **Solo :** Lalremruata - A rei em, **Choir :** Tuikual Kohhran Zaipawl - Nunna tuipui,

Solo : Joy Zairemmawia - Ka zai zel ang

Contd...

♦ **MAY 31 (FM Lunglei @ 7:30 p.m.) :**

Choir : Vaivakawn Pastor Bial Zaipawl - Chung Pathian Isua, Tuikual Kohhran Zaipawl - Nunna tuipui, **Solo/Group :** Judith Lalremruati - Via Dolorosa, Joy Zairemmawia - Ka zai zel ang, **News :** Synfocity news pawimawh zual, **Thuchah :** Dr. Sanghluna - Mizo Thalaite leh ruihlo

♦ **JUNE 2 (TV Programme @ 3:00 p.m.) :**

Choir : Chanmari Bial Zaipawl - Lalpa Lungngaihna, **Sermon :** Rev. Sairengpuia - Thlarau Thianghlim hlutna leh pawimawhna, **Choir :** Chaltlang Bial Zaipawl - Lalpa Indona, **Monthly Round-Up :** May Thla

□ **Susamachar Prasaran Programme**

JUNE 2 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Dawrpui Vengthar Pastor Bial - Yeshu Masih, **Group/Choir/Solo :** Tuikual Pastor Bial - Prabhu Mere, **Sermon :** Zohmingthanga - Yeshu me chhama, **Group/Choir/Solo :** LH Hindi School - Yeshu MASIH, **Group/Choir/Solo :** Leitan South Masihi Sangati Zaipawl

□ **Moderator Programme**

Synod Moderator Rev. Lalramliana Pachuau chuan tunkar tawpah hetiang hian hun a hmang ang :

- ♦ June 2 (Pathianni) Chawhma - Selesih Kohhran tlawh
- ♦ June 2 (Pathianni) Chawhnu - Durtlang North Kohhran tlawh
- ♦ June 2 (Pathianni) Zan - Durtlang Kohhran tlawh
- ♦ June 4 - 6 (Thawhlejni - Ningani) - Synod Executive Committee

MIZORAM PRESBYTERIAN CHURCH SYNOD LAY DAY 2013 PROGRAMME

A hmun - Synod Hospital
A hun - 31.05.2013 (Zirtawpni)
Thupui - Inpekna (I Kor 10: 31)

HUN URHSUN

Chairman - Dr. Vanlalruata, Director, Synod Hospital
Tantu - Pu Runliana, PRESCOM
Hla -
Report a Inchhiarna - Secretary, SLWF
Sum Report - Treasurer, SLWF

SUNNA

Lay Day Address (15 minutes) - Rev. Lalramliana Pachuau, Synod Moderator

Thupui (30 minutes)

Sawitu - **Inpekna (I Kor 10: 31)**
Chawimawina Hlantu - **Rev. Vanlalbela, Bawngkawn**
Pu Lalropuii, Headmistress, PC. Girls' School

HUN ZANGKHAI

Hruaitu - Upa R. Dengzikpuia, PBS
Male Voice - Synod Office
Special Item - Upa Dr. R. Lianzama, Convener
Pensioner atangin - Pu Lalthangliana, Dr.C.Biakmawia
(20 minutes) Upa R. Rualkhuma, Pi R.Lalengliani
Solo - Ni. Lalmuanzuali, PRESCOM
Role Play (20 minutes) - Pu K. Siamchhunga, Finance Secretary
Female Voice - P.C. Girls' School
Charity Fund hlantu - Upa Dr. L. Ringluaia, Vice Chairman
Lawmthusawina - Upa H. Lalnuntluanga, Chairman

SYNOD INFORMATION & PUBLICITY NGENNA

Mizoram Presbyterian Church Synod chuan media Ministry tihchangtlunna lamah hma a la mek a, hemi tihpuitlinna atan hian heng a hnuiaia item tar lante hi buatsaih a, Synod Hruina Êng TV leh Radio Programme-a tihchhuah atana rawn thawh turin Synod chuan Kohhran tin a ngen a ni. Tihlawhtling thei tur chuan Co-ordinator, SYNFO Department-ah pek tur a ni e.

1. Zaipawl music video (mpeg2 or avi) emaw, audio emaw;
2. Short play leh drama, zirtir nei tha leh en tlak;
3. Mal zai (Solo) video emaw audio emaw;
4. Kohhran rawngbawlina danglam bik, theh darh atana tha apiang video.

REV. LALZUITHANGA
Executive Secretary

HRIATTIRNA

Presbyterian Youth Fellowship (PYF) Biennial Conference 2013 (June 14 -16,Fiangpui, Halflong)-a palai turte leh Synod Choir te chu June 13 (Ningani) zan dar 8:00-ah Synod Office kawt atanga chhuah tur a ni a, zanriah ei saa kal tur a ni.

General Secretary
Central KTP

